

## АЁЛ ҚАДРИ УЛУҒЛАНГАН ЮРТДА ТИНЧЛИК ВА ФАРОВОНЛИК БАРҚАРОР БЎЛАДИ



### МЕҲР-ОҚИБАТ ВА САДОҚАТ ТИМСОЛИ, ХОНАДОНЛАРИМИЗ ФАРИШТАСИ

Аёлларга ҳурмат ва эҳтиром кўрсатиш, уларга ғамхўрлик қилиш миллий қадриятларимизнинг ажралмас қисми саналади. Улар бежиз ёшариш ва янгилашиш фасли – баҳорга қиёсланмайди. Мамлакатимизда лобар, иродали, ишбилармон, истеъдодли хотин-қизлар доимо эътироф этилиб, эъзозланади.

>>> 3

## ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ ХАЛҚАРО ХОТИН-ҚИЗЛАР КУНИГА БАҒИШЛАНГАН ТАНТАНАЛИ МАРОСИМДАГИ НУТҚИ

Ассалому алайкум, азиз ва мўътабар она-хонлар!

Муносиб кунингизга!  
Дилбар қизларим!

Шуқуни ва қувончи тамоман ўзгача бўлган бугунги тантанамизда иштирок этаётган сиз, нафосат олами вакиллари, бутун мамлакатимиз аёлларини Халқаро хотин-қизлар куни билан самимий табриқлайман. Барчангизга чуқур ҳурмат-эҳтиромимни ва энг эзгу тилакларимни билдираман.

Авалло, оилангиз ва яқинларингиз бахтига, қолаверса, аёл қадрини эъзозлаб яшайдиган эл-юртимиз бахтига соғ-омон бўлишингизни, доимо мана шундай гўзал баҳорий кайфиятда юришингизни тилайман.

Муҳтарам юртдошлар!

Халқимиз азал-азалдан Она сиймосини, Аёл зотини Яратганнинг улугъ неъматини, тенгсиз мўъжизасини, деб билади, уни ҳамиша ардоқлаб-асраб яшайди. Юртимиз заминидagi «Бибихоним», «Қизбиби», «Модарихон», «Қирққиз»

мажмуаси каби табаррук меъморий обидалар ҳам ана шундай азалий юксак эътибордан далолат беради.

Айни пайтда биз инсоният тараққийетида унутилмас ва беқиёс ҳисса қўшган буюк аждодларимизни дунёга келтириб, меҳр билан тарбиялаган, уларни улугъвор ишларга руҳлантириб, камарбаста бўлган фозила аёлларимиз билан албатта фахрланамиз.

Маълумки, ҳар қандай жамият ва давлатнинг қай даражада халқпарвар ҳамда адолатли

эканлигини хотин-қизларга бўлган муносабати ва ғамхўрлиги билан белгиланади.

Халқимизни рози қилишдек олий мақсадга эришиш учун хотин-қизларнинг қонуний ҳуқуқ ва манфаатларини таъминлаш, уларнинг иқтисодий, ижтимоий ва сиёсий фаоллигини ошириш Янги Ўзбекистон тараққийёт стратегиясининг муҳим йўналишларидан бирига айланди.

Шу ўринда эътиборингизни айрим мисолларга қаратмоқчиман.

«Ҳеч ким меҳр ва эътибордан четда қол-

майди» деган эзгу тамойил асосида, 2021 йилда 900 мингга яқин хотин-қизларга ижтимоий-иқтисодий, тиббий, ҳуқуқий ва психологик ёрдамлар кўрсатилди. Бу мақсадлар учун бюджетдан 2 триллион сўм маблағ йўналтирилди. Хусусан, 18 мингга аёлларга уй-жой харид қилиш учун 400 миллиард сўм имтиёзли кредитлар ажратилди. Боқувчисини йўқотган аёлларнинг фарзандлари учун бочка харажатларини бюджетдан қоплаш тартиби жорий этилди.

>>> 3

Ўзбекистон Республикаси Президентининг

### ҚАРОРИ

## ЗУЛФИЯ НОМИДАГИ ДАВЛАТ МУКОФОТИ БИЛАН ТАҚДИРЛАШ ТЎҒРИСИДА

Мамлакатимизда хотин-қизларни қўллаб-қувватлаш, уларнинг орзу-интилишларини амалга ошириш, ўзининг иқтидори ва ибратли фаолияти билан ёшларга ўрнак бўлиб келаётган, турли соҳа ва тармоқларда қобилият ва имкониятларини рўёбга чиқараётган, чуқур билим ва интеллектуал салоҳиятини намоён этиб, муҳим ғоя ва ташаббусларни илгари сураётган, ижтимоий ҳаётда фаоллик кўрсатаётган қизларни муносиб рағбатлантириш мақсадида:

1. Зулфия номидаги Давлат мукофоти комиссиясининг Қорақалпоғистон Республикаси, вилоятлар ва Тошкент шаҳрининг иқтисодий қизларини аҳоли хуқуқи, ноёб истеъдоди, зукколиги, ташаббускорлиги, ўқишдаги муваффақиятлари ҳамда таълим, фан, адабиёт, санъат, маданият, спорт соҳаларида ва жамоатчилик фаолиятида эришган алоҳида ютуқлари учун Зулфия номидаги Давлат мукофоти билан тақдирлаш тўғрисидаги таклифлари иловадаги рўйхатга мувофиқ маъқуллансин.

2. Зулфия номидаги Давлат мукофоти билан тақдирланганларга 8 март – Халқаро хотин-қизлар куни муносабати билан ўтказиладиган байрам тантаналарида совриндорлик дипломлари ва кўкрак нишонлари топширилсин.

3. Ўзбекистон Республикаси Молия

вазирлиги Зулфия номидаги Давлат мукофоти совриндорларининг ҳар бирига базавий ҳисоблаш миқдорининг 50 баравари миқдорда пул мукофоти берилишини таъминласин.

4. Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлиги, Ўзбекистон Миллий ахборот агентлиги, Ўзбекистон Миллий телерадиокомпанияси ва бошқа оммавий ахборот воситаларига Зулфия номидаги Давлат мукофоти соҳибларининг ибратли фаолияти, уларнинг ноёб истеъдоди ва эришган ютуқларини кенг ёритиб бориш тавсия этилсин.

5. Мазкур қарорнинг бажарилишини назорат қилиш Ўзбекистон Республикасининг Бош вазири А.Арипов ва Ўзбекистон Республикаси Президенти Администрацияси раҳбари З.Низомидинов зиммасига юклансин.

Ўзбекистон Республикаси  
Президенти

Ш.МИРЗИЁЕВ

Тошкент шаҳри,  
2022 йил 5 март



### БЕҚИЁС ИМКОНИЯТЛАР ДАВРИ



...Ушбу тизимда ишлаган инсон сифатида яхши биламанки, шу пайтгача юртимиз тарихида хотин-қизларимиз учун бу қадар кенг имкониятлар берилмаган эди. Келинг, яхшиси, жорий этилаётган янгиликлардан айримлари опа-сингилларимиз тақдирига қандай таъсир этиши ҳақида мулоҳаза юритайлик...

5

Қутлов!

## ЮКСАК МУКОФОТ МУБОРАК!

Президентимиз Шавкат Мирзиёевнинг «8 март – Халқаро хотин-қизлар куни муносабати билан мукофотлаш тўғрисида»ги фармони билан бир гуруҳ аёллар давлатимизнинг юксак мукофотлари билан тақдирланди.

Улар сафида Ўзбекистон касба уюшмалари Федерациясининг ижтимоий суғурта бўлими мудури Нигора Ишанханова ҳам бор.

Ўзбекистон касба уюшмалари Федерацияси ва тизим фаоллари самарали меҳнати, бой амалий тажрибаси билан юртимизда олиб борилаётган туб ислохотлар жараёнида фаол қатнашиб, ҳурмат-эътибор қозониб келаётган ўз касбининг фидойиси Нигора Ишанхановани юксак эътироф белгиси – «Шухрат» медал билан чин дилдан қутлаб, унинг келгуси фаолиятида улкан зафарлар тилайди.













Сиз, азиз ва муҳтарам онахонларимизни, аёлларимизни, опа-сингилларимизни ҳамда шу соҳада фидокорона меҳнат қилаётган барча соҳа вакиллари баҳорнинг илк байрами – **8 МАРТ – ХАЛҚАРО ХОТИН-ҚИЗЛАР КУНИ** билан чин қалбдан муборакбод этади.



*Фурсатдан фойдаланиб, барганизга узок умр, сиҳат-саломатлик, хонадонингизга тинчлик-осойишталик, дастурхонингизга кут-баракат, оилавий бахт тилаймиз! Ҳар бир кунингиз байрам, ҳар бир онингиз баҳор бўлсин! Доимо баҳор шуларидан-да чиройли, нафис, илҳам ва бетакрор бўлишингизга тилакдошимиз!*

Омон МАТЖОН

## ОНА ДЕГАН СЎЗ

*Юлдузлардан сирқилиб шабнам,  
Уфқ билан кўришганда ер,  
Офтобга кипригим билан  
Она сўзни ёздим гўё шегър.*

*Аму оқар мисоли булут,  
Уфқ бўлиб оқади Аму,  
Қирғоғини этса ҳам унут,  
Майсаларни унутмайди у!*

*Ҳар кўкат, ҳар баргинг номига  
У элтади тоғлардан таъзим,  
Она деган сўзинг ёнига  
Чизгим келди МАЙСАнинг расмин.*

*Капалак ранг, булбуллар оҳанг  
Қашфи билан маст бўлган лаҳза,  
Она сўзин қаватига ман  
Ёзиб кўйдим БАҲОР деб аста...*

*Мен жо этдим Она номига  
Ерни сўнги гардигача то.  
Энди Она сўзи ёнига  
Дадил ёзиб кўяман: ДУНЁ!*

*Мен юлдуз деб уни куйлайман,  
У Ватандир,  
У Арши аъло.  
Мен унга минг ташбеҳ уйлайман,  
Етказурман миллионга ҳатто...*

*Ерда, лекин минг-минглаб одам  
Она номин билса муқаддас.  
Уруш деган биргина сўздан  
Оналарни сақлай олур бас!*



## Транспорт, йўл ва капитал қурилиш, қурилиш индустрияси ҳодимлари касаба уюшмаси Республика кенгаши жамоаси

Азиз ва табарруқ оналаримизни, лобар ва мунис опа-сингилларимизни, юртимиз тараққиётини муносиб меҳнатлари билан ҳисса қўшаётган соҳа аёлларини илҳамий байрами – **8 март – Халқаро хотин-қизлар куни** билан самимий қутлайди!

**Ҳалима ХУДОЙБЕРДИЕВА  
МУҚАДДАС АЁЛ**

*Ошиқларинг пойинга гул отиб ҳам бўлди,  
Хилватларда лабиндан бол тотиб ҳам бўлди,  
Ва бу ҳақда кимларгадир сотиб ҳам бўлди,  
Сен бари бир муқаддасан,  
Муқаддас Аёл!*

*Аввал: «Кел-эй, кучоғимга тўл, балқ», дедилар,  
Унамадинг, аёл ўзи терс «халқ», дедилар,  
Ичолмагач юз ўгириб, шўр, талх, дедилар,  
Сен бари бир муқаддасан,  
Муқаддас Аёл!*

*Сен дарёсан, ўпганини қирғоқ яширар,  
Жуфтим бўл, – деб чопганини ҳар тоқ яширар,  
Жаннатим, – деб қувонмасдан кумлоқ яширар,  
Сен бари бир муқаддасан,  
Муқаддас Аёл!*

*Асли бу бор эрмакларнинг борар ери Сен,  
Росту ёлғон эртақларнинг борар ери Сен,  
Асов отдай эркакларнинг борар ери Сен,  
Сен бари бир муқаддасан,  
Муқаддас Аёл!*

*Чорлашганда сен келсанг, гоҳ бекор келсанг-да,  
Маст даврага бир сарин ел, бир тор келсанг-да,  
Хор келсанг-да, номардларга гоҳ хор келсанг-да,  
Сен бари бир муқаддасан,  
Муқаддас Аёл!*

*Қимтинасан, астагина кўтарасан бош,  
Минг йилликдир кўзингдаги жавдираган ёш,  
Гуноҳкорлар мингу битта Сенга тегар тош,  
Сен бари бир муқаддасан,  
Муқаддас Аёл!*

*Ҳарир, хушбўй баданингда тошлар изи бор,  
Кўкрагингда эзилган не бошлар изи бор,  
Кўёш изи, куйдирган кўёшлар изи бор,  
Сен бари бир муқаддасан,  
Муқаддас Аёл!*



*Бугунги баҳорий кунларда сизларга бахт-саодат,  
руҳий тетиклик, баҳорий гўзаллик тилаймиз.  
Ошлангиз бахтига доимо соғ бўлинг!  
Қалбингиздаги ҳамма яхши  
ниятларингиз ижобат бўлсин!*



**«Микрокредитбанк»**  
акциядорлик-тижорат  
банки жамоаси



**Юртимиз аёлларини**

**8 март**

**Халқаро хотин-қизлар кунин билан самимий муборакбод этади!**

**Оила ва жамият устуни, ҳаётимизнинг файзи ва кўрки бўлган хотин-қизларни эъзозлаш, уларга ҳурмат ва эҳтиром кўрсатиш халқимиз учун азал-азалдан буюқ қадрият бўлиб келган ва шундай бўлиб қолади. Чунки сизлар билан ҳаётимиз зўзал ва мазмунли, хонадонларимиз обод ва нурафшондир.**

**Бугунги файзли кунларда тилагимиз шундай: оилангиз, фарзандларингиз, эл-юртимиз бахтига ҳамisha соғ-омон бўлинг!**

**Хонадонларингиздан тинчлик-хотиржамлик, файзу барака аримасин.**

**Доимо халқимиз, Ватанимизнинг юксак меҳри ва ардоғида бўлинг!**

**ЭЪЛОНЛАР**

**«МИКРОКРЕДИТБАНК»**  
акциядорлик-тижорат банки  
акциядорларининг диққатига!

**Ҳурматли акциядорлар!**

«Микрокредитбанк» акциядорлик-тижорат банки Кузатув кенгаши Акциядорларнинг навбатдан ташқари умумий йиғилиши 2022 йил 30 март кунин, соат 11:00 дан бошлаб, Тошкент шаҳри, Лутфий кўчаси, 14-уй манзилида жойлашган «Микрокредитбанк» АТБ мажлислар залида ўтказилишини маълум қилади.

**Йиғилиш кун тартиби:**

1. «Микрокредитбанк» акциядорлик-тижорат банки Акциядорларнинг навбатдан ташқари умумий йиғилиши регламентини тасдиқлаш.
2. «Микрокредитбанк» акциядорлик-тижорат банкининг янги таҳрирдаги «Кузатув кенгаши аъзоларига ҳақ ва компенсациялар тўлаш тартиби тўғрисида»ги низомини тасдиқлаш, шунингдек, «Акциядорлар умумий йиғилиши тўғрисида»ги, «Кузатув кенгаши тўғрисида»ги ва «Бошқаруви тўғрисида»ги низомларига ўзгартиришлар ва қўшимчалар киритиш.
3. «Микрокредитбанк» акциядорлик-тижорат банки Уставига ўзгартиришлар ва қўшимчалар киритиш.
4. «Микрокредитбанк» акциядорлик-тижорат банкининг янги таҳрирдаги ташкилий тузилмасини тасдиқлаш.

«Микрокредитбанк» АТБ Кузатув кенгашининг 2022 йил 1 мартдаги мажлиси қарорига асосан акциядорларнинг навбатдан ташқари умумий йиғилишида иштирок этиш ҳуқуқига эга бўлган акциядорлар реестри 2022 йил 24 март кунин ҳолатига ҳамда умумий йиғилиш ўтказилиши ҳақида акциядорларга хабар қилиш учун акциядорлар реестри 2022 йил 1 март кунин ҳолатига тузилади.

Акциядорларни рўйхатга олиш 2022 йил 30 март кунин соат 10:00 дан 10:50 гача давом этади.

Акциядорлар умумий йиғилишида шахсини тасдиқловчи ҳужжат ва ёзма шаклда тузилган ишончнома асосида қатнашди, юридик шахс номидан берилган ишончнома қонун ҳужжатларида белгиланган тартибда, жисмоний шахс номидан берилган ишончнома нотариал тасдиқланган бўлиши керак.

Акциядорларнинг умумий йиғилиши видеоқонференц-алоқа тарзида ўтказилса, бу ҳақда қўшимча маълумот берилди.

Йиғилиш ўтказиш бўйича қўшимча ахборот, унда кўриладиган масалаларнинг ҳужжатлари билан юқоридики манзилга ва қуйидаги телефон рақамларига мурожаат қилиш ҳамда банкнинг корпоратив веб-сайти ([www.mikrokreditbank.uz](http://www.mikrokreditbank.uz)) орқали танишиш мумкин.

**Тел: 998 (71) 202-99-99 (13-16, 13-17)**  
Банк Кузатув кенгаши

Тошкент тумани «AVTOLUX» МЧЖ томонидан 29.12.2020 йилда берилган №11АА0399032 рақамли ҳайдовчилик гувоҳномаси олиш учун берилган сертификат йўқолгани сабабли бекор қилинади.

«ON-LINE» МЧЖ (ИНН 305431931) устав фондини 20 000 000 сўмга камайтираётганини маълум қилади.  
Юридик манзил: Тошкент шаҳри, Миробод тумани, Ойбек кўчаси, 38 б-уй.

Тошкент давлат шарқшунослик институти қошидаги академик лицей томонидан 2015 йилда Абдулазиз Рустамжон ўғли Раҳмонбедро номига берилган ЛН9252545 рақамли диплом (рўйхат рақами: 484) йўқолгани сабабли бекор қилинади.

**Баҳор нафасини келтирган ташаббус**

**Аёл қачон ўзини бахтли ҳис қилади? Қачонки, оилада ҳаловат топса, соғлиғи мустаҳкам, ишида унум бўлади. Бироқ аёлларни қийнаётган турли муаммолар, оғриқли масалалар борки, улар ечим топмас экан, жамият тараққиётига ҳам ўзининг салбий таъсирини ўтказавради.**



«Аёллар дафтари» тизими ҳар бир аёлнинг муаммосини алоҳида тартибда ўрганиш ва ҳал этиш бўйича зарур чораларни белгилаш имконини яратди.

– Оиладаги майда-чуйда муаммолар юки хонадон бекаларини эзиб қўяди, – дейди Вобкент тумани ҳокимининг хотин-қизлар масалалари бўйича маслаҳатчиси Юлдуз Зухурова. – Рўзғорда етишмовчилик бўлса, биринчи галда аёл қийналади. Бола тарбияси билан шуғулланаётган оила бекасига мактаб ёки боғча таълимидаги оқсоқликлар ҳам ташвиш келтиради. Аёллар боп иш топиш эса – энг катта муаммо. Хотин-қизлар муаммоларини аниқлаш ва ҳал этишда «Аёллар дафтари» жуда қўл келмоқда.

Вобкент туманида «Аёллар дафтари» бўйича учинчи босқич хатлов жараёнида яқунланган, амалий ёрдам кўрсатиш бора-сидаги саъй-ҳаракатлар бош-

лаб юборилди. Хусусан, 6 тоифа бўйича рўйхатга олинган 2500 нафар хотин-қизнинг 30 нафарига кредит ажратилди, 20 нафарига томорқачилик учун ер ажратиш бўйича ҳужжатлар тайёрланмоқда. Тумандаги иккита йирик тикув цехига 160 нафар аёл синов муддати асосида ишга жойлаштирилди. Хотин-қизлар кунин арафасида 50 нафар эҳтиёжманд хотин-қизга тикув машиналари тақдим этилди. Бундай байрамолди йўқлов кўнгли кемтик опа-сингилларимизни чин маънода қувонтирди.

– Турмушим бузилгач, бир фарзандим билан ота уйимга қайтдим, – дейди вобкентлик Зулайхо Туробова. – Қўлимда хунарим йўқ, онамнинг нафақаси, укаларимнинг насибасига шерик бўлиб яшайман. Бу орада касаллик орттириб олгандим. Муаммолар гирдобиди турганимда мутасаддилар бепул тикув машинаси тақдим этди. Ҳозир му-

аммоларимга ечим бўлар, деган яхши ниятда чеварликни бошладим.

Шу кунларда Вобкент тумани «Мирвоши» МФЙ ҳудудидаги «Вобкент агро проминвест» МЧЖ негизда тикувчилик цехи очилди. Экологик сумкалар ишлаб чиқариш ва тўлиқ экспортга ихтисослашган мазкур корхонада 60 нафар эҳтиёжманд, ишсиз хотин-қиз иш билан таъминланди. Улар зиммасига тикувчи, қадоқловчи, дизайнер, бичувчи, тозаловчи, иш бошқарувчи сингари вазифалар юкланди.

– Доимий даромад манбаим йўқлиги учун қийналардим, – дейди Шалола Самандарова. – Шукр, бугун цехга тикувчи сифатида ишга қабул қилиндим. Ойлик маош ҳарна, рўзгоримнинг бир қисмини қоплайди. Ишга жойлашиш мен учун энг яхши байрам тўғриси бўлди.

Мазкур лойиҳанинг иккинчи босқичи Наврўз байрами олди-дан ишга туширилади ва тумандаги яна 100 нафар аёлнинг бандлиги таъминланади.

**Дилдора ИБРОҲИМОВА,**  
«ISHONCH»



**ЎЗБЕКИСТОН КАСАБА УЮШМАЛАРИ ФЕДЕРАЦИЯСИНING**  
**САМАРҚАНД ВИЛОЯТИ КЕНГАШИ ЖАМОАСИ**

**Зулфия МҶМИНОВА**

**Аёлга бахт беринг...**

*Юртимизнинг барча дилбар аёлларини*

**8 март – Халқаро хотин-қизлар кунин билан самимий муборакбод этади!**

*Фурсатдан фойдаланиб, ҳаётимиз қувончи, хонадонларимиз кўрки бўлмиш азиз аёлларимиз шайнига энг иўзал тилакларимизни изҳор эталимиз.*

*Илоҳим, дахтингиз тўқис, саломатлигингиз мустаҳкам, ҳаётингиз муром нурафшон бўлсин!*

**Байрамингиз қутлуғ бўлсин!**

*Аёлга бахт беринг, саодат беринг, Деманг, юрибди-ку қулиб, жилмайиб. Аёл қулиб туриб ўлиши мумкин, Дунёни олиши мумкин жилмайиб. Аёлга бахт беринг, саодат беринг, Гар кўзлари қулиб турса-да, Бўғзининг остида неча минг ҳасрат, Ой юзлари қулиб турса-да, Кўнглини кўтаринг ҳеч бўлмаганда, Қўлини силашга шарофат топинг. Йиғлаб турганида ҳеч бўлмаганда, Ёшини артишга муруват топинг. Нозоҳ ерга тушса оппоқ рўмоли Босиб ўтмасликка шафоат топинг, Чақалоқ ялаган этакларини Тоза деб айтишга адолат топинг. Аёлга бахт беринг, саодат беринг, Деманг юрибди-ку қулиб, жилмайиб. Аёл қулиб туриб ўлиши мумкин, Дунёни олиши мумкин жилмайиб. Аёлга бахт беринг, саодат беринг. Нозоҳ нур топинг, ҳидоят топинг. Иллоҳи бахт берган аёл ёнидан Бахтиёр ўтмоққа иноят топинг. Иллоҳи қалқонсиз, иллоҳ кўрғонсиз, Йўлбатлар йиртмасин қўйлакқанасин, Иллоҳи хушёрсиз, иллоҳ бедорсиз. Итлар тишламасин юракқанасин. Аёлга бахт беринг, саодат беринг. Тоғ қимирлаб, тошлар сўзга кирса-да, Аёлга бахт беринг, саодат беринг. Олтмишга кирса-да, юзга кирса-да...*

